



Broj: 06-14-2076/17

Datum: 25.01.2017. godine

Na osnovu čl. 8. Stav (1) i 18. stav (2) Zakona o javnim nabavkama („Službeni glasnik BiH“, broj 39/14), čl. 8. stav (7) i 17. Pravilnika o javnim nabavkama Ministarstva za boračka pitanja Kantona Sarajevo, Ministar za boračka pitanja Kantona Sarajevo d o n o s i

O D L U K U

o pokretanju postupka javne nabavke za dodjelu ugovora o pružanju usluga stručnog usavršavanja državnih službenika po svim oblastima u svrhu obezbjeđivanja obavezne edukacije u 2017. godini

JRJN: 80522000-9 - Obrazovni seminari

Član 1.

Odobrava se pokretanje postupka javne nabavke pružanje usluga edukacije državnih službenika Ministarstva za boračka pitanja Kantona Sarajevo iz slijedećih oblasti:

1. Edukacije vezana za provođenje i praktičnu primjenu Zakona o javnim nabavkama („Službeni glasnik BiH“, broj 39/14) i podzakonskih akata za 2017. godinu;
2. Kontinuirane edukacije računovođa i revizora za 2017. godinu;
3. Obuke za rad na računaru, specifični program i sl. za 2017. godinu;
4. Edukacije za menadžere kvalitete i Refrešer seminari kvalitete;
5. Edukacije vezano za izmjene zakonskih propisa i drugih aktuelnih tema vezanih za rad u organima uprave;
6. Edukacija o alatima i vještinama za pisanje projekata i apliciranje na EU fondove, kao i implementaciju istih.

Član 2.

Nabavka usluga stručnog usavršavanja će se izvršiti iz sredstava obezbjeđenih u Budžetu Ministarstva za boračka pitanja Kantona Sarajevo za 2017. godinu sa pozicije 613900 – ugovorene i druge posebne usluge.

Procijenjena vrijednost javne nabavke (bez PDV-a) iznosi **6.000,00 KM** (slovima: šest hiljada KM). Javna nabavka će se provesti po procedurama provođenja javnih nabavki koje se odnose na nabavke usluga iz Anex-a II dio B.

Član 3.

Ministarstvo za boračka pitanja Kantona Sarajevo će na svojoj internet stranici www.mbp.ks.gov.ba objaviti poziv za dostavu ponuda.

Član 4.

Za realizaciju ove Odluke zadužuje se sektor za ekonomske poslove i projete.





Član 5.

Ova Odluka stupa na snagu danom donošenja.

O b r a z l o ž e n j e

Ministarstvo za boračka pitanja Kantona Sarajevo ima potrebu za edukaciju državnih službenika po slijedećim temama:

1. Edukacije vezana za provođenje i praktičnu primjenu Zakona o javnim nabavkama BiH („Službeni glasnik BiH“, broj 39/14) za 2016. godinu;
2. Kontinuirane edukacije računovođa i revizora za 2016. godinu;
3. Obuke za rad na računaru, specifični program i sl. za 2016. godinu;
4. Edukacije za menadžere kvalitete i Refrešer seminari kvalitete za 2016. godinu;
5. Edukacije vezano za izmjene zakonskih propisa i drugih aktuelnih tema vezanih za rad u organima uprave za 2016. godinu.

Na osnovu člana 25 stav 1. tačka (e). Zakona o državnim službenicima u Kantonu Sarajevo („Službene novine Kantona Sarajevo“, broj 31/16) utvrđeno da je državni službenik ima pravo i potporu i pomoć u stručnom usavršavanju i profesionalnom usavršavanju, u cilju napredovanja u karijeri putem obuke i na druge načine u skladu sa potrebama i planom utvrđenim od strane organa državne službe, odlučeno je kao u dispozitivu.

Ponudaci koji dostavljaju ponude i pozive za edukacije i stručna usavršavanja moraju biti ovlašteni za rad te raspolagati stručnim kadrom koji će vršiti edukaciju i stručno usavršavanje državnih službenika u određenim oblastima.

Ministarstvo za boračka pitanja Kantona Sarajevo će na osnovu dostavljenog poziva izvršiti analizu tema i sadržaja edukacije, te ukoliko se opredjeli za istu, dostavit će pismene prijave na edukaciju za jednog ili više državnih službenika.

Nakon ispostavljene originalne fakture od strane dobavljača, Ministarstvo će izvršiti plaćanje iste, a po potrebi dobavljaču će isporučiti narudžbenicu ili drugi dokument.

Na osnovu naprijed navedenog, odlučeno je kao u članu 1. ove Odluke.



MINISTAR

mr. Muharem Fišo



web: <http://mbp.ks.gov.ba>

e-mail: minbopi@ks.gov.ba;

Tel: + 387 (0) 33 562-012, Fax: + 387 (0) 33 562-251
Sarajevo, Reisa Džemaludina Čauševića 1

